

Padze 1

Én passèn dézò an CLENDÀ, én RAT ch'è stchancó la PÉ.

Padze 2

Lo rat i va chertsé lo CORDOGNÉ é lle dit :

« Cordogné , pé choplé, remenda-mè la pé qué mé si stchancó én passèn dézò la clenda ! ».

« Otro què ! » lle répón lo cordogné « Maque qué pé sen d'é manca dé SÈYE dou gadén ».

Padze 3

Lo rat va chertsé lo GADÉN é lle dit :

« Tchoutchoù , pé choplé, baille-mè dé sèye pé lo cordogné ! ».

« Otro què ! » lle répón lo gadén « Maque qué pé sen n'é manca dé FAEUNNA ».

Padze 4

Lo rat va chertsé lo MOLENÉ é lle dit :

« Molené, pé choplé, baille-mè dé faeunna pé lo gadén ! ».

« Otro què ! » lle répón lo molené « Djeusto qué pé sen n'é manca dou GRAN ».

Padze 5

Lo rat va vére lo TSAN dé gran é lle dit :

« Tsan dé gran, pé choplé, baille-mè dé gran pé lo molené ! ».

« Oro què ! » lle répón lo tsan dé gran « Ma pé sen n'é manca dé GRÉSE pé fae cretre lo gran ».

Padze 6

Adón lo rat i va troà la VATSE é lle dit :

« Vatse, pé choplé, baille-mè tcheucca dé grése pé lo tsan dé gran ! ».

« Otro què ! » lle répón la vatse « Ma pé sen qué te mé demande d'é manca dou FEN ».

Padze 7

Adón lo rat i va predzé ou PRO é lle dit :

« Pro, pé choplé, baille-mè dé fen pé la vatse ».

« Otro què ! » lle répón lo pro « Djeusto qué pé sen n'é manca d'ÉVE pé fae cretre l'erba ».

Padze 8

É lo rat i vat tanque dou RU é lle dit :

« Ru , pé choplé, baille-mè d'éve pé lo pro ! ».

Padze 9

Adón lo RU i baille l'ÉVE ou RAT qué la porte ou PRO ;
é lo PRO lle baille dé FEN qu'i porte a la VATSE ;
é la VATSE lle baille dé GRÉSE qu'i porte ou TSAN dé gran ;
é lo TSAN dé gran lle baille lo GRAN qu'i porte ou MOLENÉ ;
é lo MOLENÉ lle baille la FAEUNNA qu'i porte ou GADÉN ;
é lo GADÉN lle baille dé SÈYE qu'i porte ou CORDOGNÉ ;
é lo CORDOGNÉ lle remende la PÉ qué ch'é stchancó én passèn dézò la CLEENDA !